



CONCELLO DE VIGO  
Secretaría de Goberno Local

**D<sup>a</sup>. PATRICIA RODRIGUEZ CALVIÑO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO**

**C E R T I F I C O:** Que a Xunta de Goberno Local, na sesión ordinaria do **28 de novembro de 2025**, adoptou o seguinte acordo:

**4.- ADXUDICACIÓN DO POSTO DE TRABALLO “SUBXEFATURA DO SERVIZO DE PREVENCIÓN E EXTINCIÓN DE INCENDIOS E SALVAMENTO”. EXPTE. 47086/220.**

Visto o informe de fiscalización de data 18/11/2025, sométese a aprobación o informe-proposta de data 17/11/2025, asinado pola xefa da Área de Recursos Humanos e Formación e conformado pola concelleira-delegada e pola concelleira da Área de Goberno, que di o seguinte:

**ANTECEDENTES DE FEITO**

1.- En data 14/08/2025 Xunta de Goberno Local prestou aprobación á convocatoria e bases reguladoras para a provisión definitiva do posto de traballo vacante de Subxefe/a do Servizo de Prevención e Extinción de Incendios e Salvamento (SPEIS) mediante o sistema de libre designación.

Trala publicación das bases no BOPPO núm. 159, do 20 de agosto do 2025, e de extracto de anuncio do DOG núm. 195, do xoves 9 de outubro do 2025, foi publicada no BOE núm. 248, do mércores 15 de outubro do 2025, a convocatoria de provisión do posto, e procedéndose á apertura do prazo de presentación de instancias, que rematou o día 05/11/2025 segundo o certificado de exposición ao público que obra incorporado ao expediente.

2.- Durante o prazo de presentación de instancias e segundo consta nos trámites 44 a 46 do expediente, constan presentados os aspirantes seguintes:

-PEREIRA LÓPEZ, M., con DNI \*9\*5\*\*1\*\* (documentos nºs 250279816 e 250279826)

-ESTÉVEZ PRADO, M., con DNI \*6\*4\*\*8\*\* (documento nº 250299178)

3.- Consta informe de verificación de aspirantes e de cumprimento dos requisitos, consonte o disposto no artigo 27.1 do Decreto 151/2022, do 4 de agosto, emitido en data 17/11/2025, acreditando a idoneidade preceptiva.

**FUNDAMENTACIÓN XURÍDICA**

**I.-MARCO NORMATIVO REFERENCIAL DE APLICACIÓN**

A normativa aplicable en materia de provisión do postos de traballos nas entidades locais ven determinada polo TREBEP ao ser de preferente aplicación a lexislación básica estatal á lexislación autonómica sobre función pública, que opera como dereito supletorio de primeiro grao



Copia do documento - Concello de Vigo	Data impresión: 02/12/2025 08:45	Páxina 1 de 6
3424-232	CSV: AAA8DD-5ADH4A-8BE247-RU6PNC-WMQ2UF-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

(Sentenza do Tribunal Superior de Xustiza de Galicia de 25 de abril de 2018). Concretamente o artigo 168 do TRRL dispón que a provisión de postos de traballo que, de conformidade coa relación aprobada, estean reservados ou poidan ser desempeñados por funcionarios de carreira, rexerese polas normas que, no desenvolvemento da lexislación básica en materia de función pública local, dite a Administración do Estado. E o artigo 101 da LRBRL remite en materia de provisión as normas que regulen estes procedementos en todas as Administracións públicas, entendendo como tales as básicas do estatuto básico del empregado público.

E por isto que o réxime xurídico en materia de provisión de postos de traballo ven determinado pola seguinte normativa:

- a) Preceptos básicos das lexislacións e regulamentos estatais sobre función pública e réxime local. Fundamentalmente o estatuto básico do empregado público aprobado por Real decreto legislativo 5/2015, de 30 de outubro (TREBEP), Lei 7/1985, reguladora de bases de réxime local e Texto Refundido de Réxime Local (LRBRL) (este último na disposición final 7ª sinala os preceptos básicos)
- b) Normativa autonómica sobre réxime local (Lei 5/1997, de administración local de Galicia) e normativa autonómica de función pública local (Lei 2/2015, de emprego público de Galicia -LEGAL-) e o Decreto 93/1991, do 20 de marzo, polo que se aproba o regulamento de provisión de postos de traballo, promoción profesional promoción interna, en aquilo que resulte aplicable, vixente en virtude do apartado 2 da disposición derogatoria primeira da Lei 2/2015) e Decreto 151/2022, do 4 de agosto, polo que se aproba o Regulamento dos procedementos de mobilidade do persoal funcionario de carreira da Administración Xeral da Comunidade Autónoma de Galicia e das entidades públicas instrumentais integrantes do sector público autonómico.
- c) Preceptos non básicos das lexislacións e regulamentos estatais: Real decreto 364/1995, do 10 de marzo, polo que se aproba o regulamento xeral de ingreso do persoal ao servizo da Administración Xeral do Estado e de provisión de postos e promoción profesional dos funcionarios civís da Administración Xeral do Estado (RGI, de aplicación supletoria no eido local) e Regulamento Xeral de ingreso do persoal ao servizo da Administración Xeral do Estado e de provisión de postos de traballo e promoción profesional dos funcionarios civís da Administración Xeral do Estado
- d) Regulamentos e ordenanzas locais.
- e) Acordos e pactos reguladores das condicións de traballo dos funcionarios (Acordo regulador das condicións económicas e sociais do persoal funcionario do Concello de Vigo e Convenio colectivo do persoal laboral integrados no cadro de persoal do Concello de Vigo, aprobado polo Pleno da Corporación en sesión de data 28.12.1998)

## II.- CONSIDERACIÓNS XURÍDICAS

### Primeira.- Do postos de traballo obxecto de provisión

O posto de traballo convocado (Subxefatura do Servizo de Prevención e Extinción de Incendios de Salvamento) atópase recollido na relación de postos de traballo (RPT) do Concello de Vigo publicado no o Boletín Oficial da Provincia de Pontevedra (BOPPO núm. 183, do 19.09.2024) e en situación de vacante, tendo asignado como sistema de provisión o de libre designación.

### Segunda.- Da libre designación



Copia do documento - Concello de Vigo	Data impresión: 02/12/2025 08:45	Páxina 2 de 6
3424-232	CSV: AAA8DD-5ADH4A-8BE247-RU6PNC-WMQ2UF-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



CONCELLO DE VIGO  
Secretaría de Goberno Local

O artigo 78 do TREBEP determina que a provisión de postos de traballo en cada Administración Pública levará a cabo polos procedementos de concurso e de libre designación con convocatoria pública.

A libre designación é un procedemento ordinario, que require que a relación de postos de traballo, tras a correspondente motivación por ser un acto discrecional, determine os postos de traballo a proveer por dito sistema.

A libre designación do persoal funcionario de carreira, conleva a apreciación discrecional polo órgano competente da idoneidade dos candidatos en relación cos requisitos esixidos para o desempeño do posto. Concretamente o artigo 27.1 do Decreto 151/2022, do 4 de agosto, polo que se aproba o Regulamento dos procedementos de mobilidade do persoal funcionario de carreira da Administración xeral da Comunidade Autónoma de Galicia e das entidades públicas instrumentais integrantes do sector público autonómico determina "*Finalizado o prazo de presentación de solicitudes, que non poderá ser inferior a quince días hábiles, o órgano convocante, por proposta/informe da persoa titular do centro directivo a que estea adscrito o posto convocado, poderá, de forma discrecional:*

a) *Adxudicar o posto a calquera das persoas funcionarias de carreira solicitantes, sempre que reúnan os requisitos esixidos para o seu desempeño,*

b) *ou declarar deserta a convocatoria, por considerar que ningunha das persoas candidatas reúne as características adecuadas para o posto de traballo ou non reúne a idoneidade necesaria para o seu desempeño, ou se non se presentase ningunha solicitude.*

O órgano competente para a adxudicación dos postos poderá solicitar a intervención de especialistas que permitan apreciar a idoneidade das persoas candidatas".

### Terceira.- Idoneidade dos candidatos

Consta no expediente informe de data 17/11/2025 emitido pola instrutora do expediente, no cal se indica o seguinte:

"Tendo sido tramitado o procedemento de referencia, pola presente faise constar o seguinte:

1.- Que durante o prazo de presentación de instancias e segundo consta no expediente 47.086-220 constan presentados os aspirantes seguintes:

-PEREIRA LÓPEZ, M., con DNI \*9\*5\*\*1\*\* (documentos nºs 250279816 e 250279826)

-ESTÉVEZ PRADO, M., con DNI \*6\*4\*\*8\*\* (documento nº 250299178)

2.- Que segundo a base terceira -"Requisitos de participación" das bases rectoras da convocatoria, as persoas aspirantes deben reunir os requisitos seguintes:

**"a) Ser persoal funcionario de carreira da Escala de Administración Especial, subescala de Extinción de Incendios, Servizos Especiais, Cometidos especiais, de calquera das Administracións Públicas, pertencente ao grupo A, subgrupos A1 ou A2 de titulación, da Escala de Administración Especial, calquera que sexa a súa situación administrativa agás a da**



Copia do documento - Concello de Vigo	Data impresión: 02/12/2025 08:45	Páxina 3 de 6
3424-232	CSV: AAA8DD-5ADH4A-8BE247-RU6PNC-WMQ2UF-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

suspensión de funciones, cando reúnan as condicións xerais e requisitos determinados na presente convocatoria na data en que termine o prazo de presentación de instancias.

b) Estar en posesión da titulación requirida.- titulación do seguinte grupo de titulación determinado na RPT:

1.- Grao ou equivalente

2.- Título de enxeñeiro/a técnico/a, diplomado/a universitario/a, arquitecto/a técnico/a, F.P. 3 ou equivalente."

3.- Que comprobada a documentación aportada, verifícase o seguinte:

a) Aspirante PEREIRA LÓPEZ, M., con DNI \*9\*5\*\*1\*\* (documentos nºs 250279816 e 250279826): non cumpre o requisito establecido na base Terceira, apartado a) ao non acreditar a pertenza á **Escala de Administración Especial, subescala de Extinción de Incendios, Servizos Especiais, Cometidos especiais, de calquera das Administracións Públicas, pertencente ao grupo A, subgrupos A1 ou A2 de titulación, da Escala de Administración Especial.**

O aspirante acredita a pertenza ao Grupo de Artillería de Campaña da BRIGADA "GALICIA" VII, Exército de Terra, coa categoría de Capitán, unha longa traxectoria castrense e unha notable especialización e preparación; así como experiencia no desempeño de servizos na Unidade Militar de Emerxencias (UME); todo elo acreditado en certificación expedida polo Ministerio de Defensa, invocando a titulación de Grao en Enxeñería Industrial na documentación aportada.

b) Aspirante ESTÉVEZ PRADO, M., con DNI \*6\*4\*\*8\*\* (documento nº 250299178): sí cumpre o requisito establecido na base Terceira, apartado a) ao acreditar a pertenza á **Escala de Administración Especial, subescala de Extinción de Incendios, Servizos Especiais, Cometidos especiais, de calquera das Administracións Públicas, pertencente ao grupo A, subgrupos A1 ou A2 de titulación, da Escala de Administración Especial.**

O aspirante acredita a cunha adecuada especialización e preparación, así como a experiencia como oficial xefe do Servizo de Extinción de Incendios do Concello de Pontevedra dende o 08/08/2016, xunto coa pertenza ao subgrupo A1 de titulación segundo certificación de servizos previos expedida polo Concello de Pontevedra en data 20/10/2025.

Invoca a titulación de "Mestrado Integrado em Arquitectura e Urbanismo" aportando notificación da resolución da Ministra de Fomento de data 30 de marzo do 2012 (N/Ref. RESN 1286/CA) pola cal se lle recoñece ao interesado a equivalencia da titulación académica indicada para o exercicio en España da profesión de Arquitecto.

4.- O posto de traballo obxecto de convocatoria (Subxefe/a do Servizo de Prevención e Extinción de Incendios e Salvamento, subgrupo A1/A2) está integrado na estrutura administrativa da área administrativo-funcional de Seguridade, Mobilidade, Tráfico e Extinción de Incendios, encadrada na Área de Goberno de Seguridade, Contratación, Festas e Xestión Municipal.

A forma de provisión asignada ao mesmo pola relación de postos de traballo do Concello de Vigo (BOPPO núm. 183, do xoves 19 de setembro do 2024) establece que "son postos de provisión por libre designación con convocatoria pública aqueles postos cuxo contido e funcións responden a criterios de excepcionalidade que motivan a especial responsabilidade ou cualificación



Copia do documento - Concello de Vigo	Data impresión: 02/12/2025 08:45	Páxina 4 de 6
3424-232	CSV: AAA8DD-5ADH4A-8BE247-RU6PNC-WMQ2UF-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



CONCELLO DE VIGO  
Secretaría de Goberno Local

*profesional dos postos de traballo de nivel 28 ou inferior segundo consta na memoria de data sinatura dixital 13.04.2022", determinando como criterio de excepcionalidade, entre outros, o seguinte (folio 29, punto 4):*

*"a) Especial responsabilidade por garantir unha adecuada toma de decisións que supoñen a limitación de dereitos en situacións de alerta sanitaria ou emerxencia. A especial responsabilidade desta atribución deriva de que, como consecuencia dunha situación de alerta sanitaria ou emerxencia que antepón o interese público ao interese privado, o exercicio da responsabilidade no posto de traballo pode levar á toma de decisións e ao establecemento de instrucións de actuación que afecten os dereitos das persoas".*

*Polo exposto, e á vista de que existe un único aspirante que acredita o cumprimento da totalidade dos requisitos establecidos nas bases da convocatoria, infórmase que procede o nomeamento do mesmo, sen que caiba xuízo de idoneidade adicional ao do cumprimento dos requisitos establecidos nas bases da convocatoria e á efectiva concorrencia verificada.*

*O cal se informa aos efectos procedentes."*

### III.- COMPETENCIA

O órgano competente para adopción do acordo é a Xunta de Goberno Local conforme o disposto no artigo 127.1.h da LRBRL.

Polo exposto elévase á Xunta de Goberno Local, previo o preceptivo informe de fiscalización que pola Intervención Xeral Municipal se emita, a seguinte **PROPOSTA DE ACORDO:**

**"PRIMEIRO.-** Adxudicar a M. ESTÉVEZ PRADO, con DNI \*6\*4\*\*8\*\* o posto de traballo de Subxefe do Servizo de Prevención e Extinción de Incendios e Salvamento do Concello de Vigo (posto de traballo código 2130102 da vixente relación de postos de traballo)

**SEGUNDO.-** Dispoñer que a formalización da toma de posesión realizárase conforme a cláusula sexta das bases da convocatoria, requirindo ao interesado para a aportación, no prazo posesorio, de copia auténtica da titulación académica oficial cuxa validación consta aportada no procedemento (arquitecto/a)

**TERCEIRO.-** Ordear a publicación da resolución da convocatoria Boletín Oficial da provincia de Pontevedra, no taboleiro de anuncios do Concello de Vigo e na Sede electrónica do Concello de Vigo.

**CUARTO.-** Contra o presente acordo, que pon fin á vía administrativa, poderase interpoñer recurso potestativo de reposición ante a Xunta de Goberno Local no prazo de un mes contado a partir do día seguinte ao da súa publicación, de conformidade co establecido no artigo 124.1 da Lei 39/2015, do 1 de outubro, do procedemento administrativo común das Administracións Públicas, ou interpoñer recurso contencioso-administrativo perante os xulgados do Contencioso-Administrativo que resulten competentes, no prazo de dous meses dende a mesma data, consonte o previsto na Lei 29/1998, do 13 de xullo, reguladora da xurisdición contencioso-administrativa."

### ACORDO



Copia do documento - Concello de Vigo	Data impresión: 02/12/2025 08:45	Páxina 5 de 6
3424-232	CSV: AAA8DD-5ADH4A-8BE247-RU6PNC-WMQ2UF-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.  
O ALCALDE,  
Abel Caballero Álvarez.



Copia do documento - Concello de Vigo	Data impresión: 02/12/2025 08:45	Páxina 6 de 6
3424-232	CSV: AAA8DD-5ADH4A-8BE247-RU6PNC-WMQ2UF-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		